

ҒАФУР ҒУЛОМ ШЕЪРИЯТИДА ВАҚТ ИФОДАЛАШ УСУЛЛАРИ

Х.Шарафиддинов,

Фарғона давлат университети доценти,
филология фанлари номзоди

АННОТАЦИЯ

Мақолада Вақт тушунчасининг фалсафий англаниши, унинг тилда ифодаланиши, Гафур Ғулом шеъриятида унинг турли сўз ва сўз бирикмалари орқали ифодаланиши ҳақида сўз боради.

Калим сўзлар: фалсафий, эра, тарихий, физиологик-психологик, мифологик, мучал.

ABSTRACT

The article talks about the philosophical understanding of the concept of time, its expression in language, and its expression through various words and phrases in Gafur Ghulam's poetry.

Key words: philosophical, era, historical, physiological-psychological, mythological, muchal.

КИРИШ

Фалсафий маънода вақт моддий оламдаги ҳар бир нарса-предметнинг, ижтимоий ҳаётдаги воқеа-ҳодисаларнинг мавжудлиги ва яшаш муддати, бу муддатнинг давомийлиги, ўлчамлари каби қатор тушунчаларни ўзида жамлайди. Бу тушунчалар сўзлар воситасида юзага чиқади. Объектив оламдаги барча нарсалар ва уларнинг ҳаракатлари маълум маконда намоён бўлганидек, муайян замон билан ҳам боғланади. Шу жиҳатдан қаралганда, вақт объектив мавжудликнинг яшаш шакли; материянинг зарурий, муҳим ва ажралмас хусусияти – ҳаракат [1,94]. Бу хусусият ифодаси маълум майдонга мансуб сўзларни талаб этади. Масалан, “кун қиёмдан оққанда етиб бордик” [5,184] жумласида нарса-предмет, бу ўринда биринчи шахсда бўлиб, расман ифодаланмаган “биз”нинг ҳаракати “етиб бордик” хукмида реаллашган; кун қиёмдан оққанда фаолият юзага чиқадиган вақт-фаолият реализацияси вақти.

МУХОКАМА ВА НАТИЖАЛАР

Вақт тушунчасини ифодаловчи сўзларнинг катта оралиқларни кўрсатувчилари мавхумлик белгисини ҳеч қачон йўқотмайди. Чексизлик, узлуксизлик, доимилик, номаълумлик, вақт тушунчаси билан боғланганда, “давр” сўзида акс этади. “Эра” сўзида ҳам вақт тушунчаси англашилади, шунингдек, бу сўз даврларни ажратиб ҳам туради. Маълум бир давр, эранинг

муайян бир бутунликни конкретлаштирувчи оралиқ даври “аср” сўзида ифодаланадиган тушунчада реаллашади: эрадан олдинги X-IX асрлар, эрадан кейинги IX-X асрлар тарзида. Аср равшанлик касб этиш йиллар билан ўлчангандага маълум бўлади: XX асрнинг 20-йиллари. Бу кетма-кетлик аниқ ва қатъий система сифатида барқарорлашган.

Миқдор тушунчасини англатиб, арифметик ёзув белгисига эга бўлган бир – 1, ўн – 10, юз – 100 каби сўзлар вақт тушунчасини билдирувчи сўзлар билан атрибутив алоқадорликда вақт тушунчаси конкрет ифодага эга бўлади.

Йигирма учинчи йилнинг тонгидаги

Шеърим билан эгиз бўлиб туғилдинг. [5,35]

Биринчи мисрадаги 23 рақами йилнинг атрибути бўлиб келган – йил шу рақам орқали аниқлик касб этган. “Тонг” сўзи орқали эса шу йилнинг бошланиши аниқланган. Бу ифодада кўчим бор – тонг йилнинг эмас, сутка кундузининг бошланиши. 23-йилнинг тонги шу йилнинг бошланғич ойи, яъни январ тушунчасини беради.

Faфур Ғулом ўз асарларида вақт тушунчасини ифодалаш учун турли усуулларга мурожаат қиласади.

Булар қуидагилар:

1. Машҳур шахслар ҳаётининг маълум бир дамлари вақт ифодалаш учун хизмат қиласади.

Мен ҳам роппа-расо Пушкин ёшида,

Фақат бу курашдир, эмасдир дуэл.

Дуэлда ўлурлар, курашда – ҳаёт,

Тарих талаб қилган улуғ қиран йил. [5,37]

Машҳур кишилар (келтирилган парчада Пушкин) ёши орқали ифодаланган улуғ қирон йил шеър ёзилган вақтни ҳам, шоир ёшини ҳам акс эттиради. Шунингдек, уруш ва маълум бир ҳаёт йўлларининг тугашига – ҳалок бўлишига ҳам ишорат этилади.

2. Тарихий воқеа-ходисалар рўй берган йиллар вақт тушунчасини образли ифодаланишининг омиллари сифатида хизмат қиласади.

Ленада ишчилар отилган куни

Абжад ўқиш учун мактабга бордим. [5, 35]

Келтирилган иккиликтининг биринчи мисрасида 1912 йил апрель ойининг тўртинчи санаси кўзда тутилади. Шу куни подшо ҳукумати томонидан икки юз эллик киши отиб ташланади. Булар яшаш имкониятларининг чегараси ўз ҳаддига келганлиги учун иш ташлаган намойишчилар бўлган. Бу воқеа орқали шеърнинг кичик бир бандига қўшимча маълумотлар киритилган, образли ифода

орқали шеър мазмуни бойитилган. Шеърни ўқиган ҳар бир киши таъсирли бир маълумотга эга бўлади ёки шу маълумотларни олиш учун бошқа манбаларга мурожаат қиласди. Хуллас, шу бир мисра асар мазмун доирасининг янада кенгайишига хизмат қилган.

3. Faфур Ғулом шеъриятида вақт ифодалаш физиологик-психологик омиллар билан ҳам боғланади. “Алифбе ўқишига кириш” вақт ифодаси бўйича бевосита шу омилга асосланади.

Шеър ўсди, сен ўсдинг соатма-соат,
Мана, энди, улғайиб ҳарбий ёшинг бор.

Дўстлар билан сафда ўқишига, албат,
Мен ёзган эгизак марш – йўлдошинг бор. [5,36]

Мисралардаги “саф”, “марш” сўзлари ҳарбий ҳаётнинг фаол сўзлари саналади. Бу ҳаётга кириб келишнинг физиологик-психологик чегаралари белгиланган. Албатта, бу ҳарбий кадрлар хизмат даври билан эмас, оммавий ҳарбий сафарбарлик – муддатли ҳарбий хизмат учун мўлжалланган вақт бирлигидир.

4. Мифологик ривоятлар асосида белгиланган вақт тушунчаси ҳам образли ифода учун қўлланади. Шоирнинг “Хотин” шеърида шундай мисралар бор:

Улғайдим, “ёр, сенга мубтало бўлдим...”
Кучини кўрсатди шунда ғазаллар.
Ҳазил-ҳазил билан мучаллар ўтди,
Кулмасин баркамол ёшли гўзаллар. [4,50]

Тўртликнинг охирги мисраси дастлабки варианtlарда “Кулмасин комсомол ёшли гўзаллар” тарзида бериб келинган. “Комсомол ёшли” бирикмаси вақт ифодаси бўйича, “баркамол ёш” бирикмаси билан яқин бўлганлиги туфайли кейинги вариант осон алмаштирилган – вақт англашилиши ҳам ўзаро мос тушади. Бу ижтимоий-физиологик омил асосидаги вақт ифодалаш саналади. “Мучаллар ўтди” бирикмаси эса мифологик ривоятлар асосига кўра вақт ифодалайди. Мучал – вақт ҳисоби. Бу ҳисобга кўра, ҳар ўн икки йил бир мучал ҳисобланади, ҳар бир мучал даври эса ички бўлинишга эга бўлиб, унинг ҳар бир йили бир ҳайвон номи билан юритилади. Мисрадаги “Мучаллар ўтди” бирикмаси улғайишига ишорат этади, банднинг биринчи мисраси ҳам “улғаймоқ” феълидан бошланади.

5. Faфур Ғулом шеъриятида астрономик тушунчалар ифодаловчи сўзлар воситаси билан ҳам вақт тасвири берилади. “Қуёшнинг йиллик ҳаракат йўли

бўйлаб жойлашган ўн икки юлдузлар туркумининг” (2,150) номларига асосланувчи “шамсия йил ҳисоби” (3,84) бўйича вақт ифодаланади.

Сунбула сувидай тиник манглай тер,
Марварид доналар бўлди оқибат.
Чалишмак мезонин ботмонларидан
Юлдуз сон қанорлар тўлди оқибат. [5,56]

Сумбула // сунбула астрономик вақт ҳисоби бўйича, йигирма иккинчи августдан йигирма иккинчи сентябргача бўлган вақтни ўз ичига олади. Бу вақт куз фаслининг бошланиши. Совуган сув эса тинади. Мисраларда сумбула сувини айни шундай, тиник деб қўрсатилади.

6. Даврнинг ижтимоий тузуми томонидан белгиланган удумларга мувофиқ равишда вақт ифодалаш шеър мавзуси ва гояси билан зич боғланган ҳолда баён этилади. Шоирнинг “Сен етим эмассан” номли шеърида шундай ҳолат кузатилади.

Кўзимга уйқунинг
Мудроқ овчиси
Тўрин солмасдан –
(Биринчи гудокка
Икки соат бор) –
Оталик ҳиссининг
Бебаҳо, лазиз
Тўлқинлари ичра
Ғарқ бўлиб кетиб,
Азиз бошинг устида
Термулмақдаман...

“Биринчи гудокка” ҳали “икки соат бор”, лекин шоир ухлагани йўқ, у жонсарак ота сифатида ўз бурчини ўташда давом этади. Биринчи гудок вақти эса давр кишиларига маълум. У даврда шаҳарлар завод гудоклари билан уйғонган, қишлоқлар раис машинасининг сигналлари билан қўз очган даврлар фақат шу замон кишиларига маълум бўлган.

7. Вақт оқимининг табиатда намоён бўлишини ифодаловчи сўзлар воситасида ифодалаш ҳам Faфур Гулом ижодига хос хусусиятлардан биридир. Шоирнинг “соғиниш” номли шеърида табиий вақт оқимини билдирувчи “Сахар”, “тонг отар” каби сўзлар орқали нарса-ҳодисаларнинг белгилари ифодаланади.

Суйганинг лабида реза тер каби
Унда титраб турар сабуҳий шабнам.

Кўчатлар қоматин эслатганидек,
Нафасин уфурар тонг отар ели.

Келтирилган парчаларда вақт ифодаловчи сўзлар вақт билан боғлиқ бўлган атрибутив вазифада кўлланган. Куйидаги мисраларда тонг отар яна бир вақт ифодаловчи “чоғ” сўз билан бир бирикма таркибида келиб сутканинг аниқ даврини англатиб қелган.

Тонг отар чоғида жуда соғиниб,
Бедил ўқир эдим, чиқди офтоб.

8. Faafur Fулом шеъриятида она сайёранинг маълум бир ҳудудига хос табиий шароитларга хос бўлган тушунчалар орқали ҳам вақт ифодаланади. Масалан, бизнинг ўлкада етиштириладиган қишлоқ хўжалик маҳсулотларининг етиштирилиши, тайёр бўлиши даврий вақт тушунчасини ифодалаш учун асос бўлади.

Ҳоки анжир тугаб, қовун ғарқ пишган,
Бахтли тонг отар чоғ уни кузатдим. [5,47]

9. Фазовий жисмлар ҳаракати асосида вақт ифодалаш Faafur Fулом прозасида ҳам кузатилади. “Кун қиёмдан оққанда қўлида яримта ноннинг юзига сузма суртиб хўжайин чиқиб қолди”. [4,219] “... эй, менинг тарбиям учун кўз юммасдан ҳулкар кўзларингга чўккан она...” [5,119]. “Кун қиёмдан оққанда” бирикмаси таркибида келган қиём сўзи орқали қўёш ҳаракати кўрсатилади: “Қўёш тикка кўтарилган пайт; пешин” [2,569] вақти; ҳулкар юлдузлар туркуми унинг кўриниб туриш давомийлиги, тун. Тонгдан бошлаб кўринишни йўқотади, у она кўзларига чўкиб кўринмайди, бу усул она меҳнати улуғлигини таъкидлаш учун келтирилади.

“Шум бола” қиссасида шундай жумлалар бор: “... мана бу – Хулкар, кеча шу юлдуз тикка келганда, эшак сўйилган эди. Мана бу Сомончининг йўли, кеча шу кунботарга яқинлашиб қолганда, домла биқинимга тепган эди” (4,176). “Сомон йўли” ҳаво очиқ тунда оддий қўзга ёруғ йўл бўлиб кўринадиган юлдузлар туркуми” [2,68].

10. Faafur Fулом прозасида йил фасллари билан боғлиқ ҳолда ўзгариб турадиган, сутканинг тонгга яқин даврини халқона ифодалаш ҳам кузатиладики, бунда вақт тушунчаси нисбатан мавхумроқ англашилади – ҳамма учун бир хил бўлган аниқ бир вақтнинг конкрет ифодаси билинмайди. “Икки хўрор қичқирганча сухбат давом қилди”. [4,260]

Faafur Fуломнинг “Вақт” номли шеърида вақт тушунчасини ўз номинал маъноси билан ифодаловчи сўзлар кўплаб ишлатилади.

Яшаш саодатининг олтин капгири
Ҳар бориб келиши бир олам замон.
Голиб асримизга қүёшдан машъал,
Замон қўрасининг сўнмас чўғимиз.
“Лаҳза” сўзи бир банднинг ўзида уч марта тақрорланади.
Ҳар лаҳза замонлар умридек узун,
Асрлар тақдиди лаҳзаларда ҳал.
Умрдан ўтажак ҳар лаҳза учун
Қудратли қўл билан қўяйлик ҳайкал.
“Дам” сўзи ҳам бирдан ортиқ мисраларда тақрор қўлланади:
Коинот шу дамда ўз куррасидан...
Кўз очиб юмгунча ўтган дам-қиммат...
Бебаҳо дамларнинг тирик жони биз...
Дамлар ғаниматдир, умрзоқ соқий.
Шеърда фурсат, аср, соат, он сўзлари уч мартадан қўлланган.
Ғунча очилгунча ўтган фурсатни...
Фурсатдир қилгувчи азиз, мукаррам...
Фурсат ғаниматдир, шоҳ сатрлар-ла...

“Вақт” шеърида номинал маънода вақт тушунчасини ифодаловчи ўн олти сўз бўлиб, ўттиз икки сўз қўллаш кузатилади. Шунингдек, нутқий кўчимлар билан ҳам вақт ифодаланади. “Ялт этмоқ”, “Бир нафас”, “ҳар нафас”, “Кўз очиб юммоқ” бутунликларига вақт тушунчасининг ўта қисқа маънолари юклangan ва улар муддат, дам, умр сўзлари билан боғланиб, бу сўзлардан англашиладиган вақт тушунчасини конкретлаштириш билан бирга, вақт давомийлиги тушунчаларига зидлиқда қўлланган.

Баъзида бир нафас олгулик муддат
Минг юлдуз сўниш учун етгулик.

Ялт этган умри-ла барқарор қилди,
Башарнинг муқаддам, олий ҳуқуқин.

Шоир ўзининг “Кузатиш” шеърида “Бешинчи йилларнинг тўлқинлари”, “Ленада ишчилар отилган қуни”, “Наполен Москвада этик йўқотиб... Парижга қочган чоғида” каби кўчим ва образли ифодаларни қўллар экан,

- Жўра, шу чистонни дўстларингта айт:
“Бобоси туғилган кун набираси
Алифбе ўқишига кирибди”, - фақат
Айтмагил, юз йилдир бунинг ораси, -

дея таъкидлайди. Чистон ўзбек поэзисида шеърий топишмоқ. Нарсалар номлари айтилмайди, бироқ умумий алоқадорлик ёки ўхшашлик омили бўйича белгилари тавсифланади. Мана шу тавсифий белги орқали предмет топилади. Faфур Fулом эслатган чистонда эса вақт яширилган, шу вақтда бўлиб ўтган воқеа-ҳодисаларнинг умумий белгилари тавсифланган.

Чистон деб кўрсатилган бу сатрларда вақт билан боғлиқ яна бир муқояса бор: “бобоси туғилган қун” ва набиранинг “алифбе ўқишга кирган” қунлар. Буларнинг ораси юз йил фарқ билан туғилмоқ ва ўқишга бормоқ қунлари тенг келади.

ХУЛОСА

Юқоридагилардан маълум бўладики, Faфур Fулом шеъриятида вақт тушунчасининг ифодаланиш ўзига хос рангба-ранг услубийликка эга. Машхур шахслар ёшлирига муқояса (мен ҳам... Пушкин ёшида) шаклида, тарихий воқеалар рўй берган саналар (Ленада ишчилар отилган куни) воситасида, ижтимоий-физиологик омиллар билан белгиланган (алифбе ўқишга бориш, ҳарбий ёш) вақтлар, мифологик ривоятлар асосида белиланган (... мучаллар ўтди) вақт, астрономик тушунчаларни ифодаловчи (сунбула) сўзлар, ижтимоий тузум ва мағкуралар томонидан урфга киритилган (биринчи гудок) вақт ўлчовлари ҳамда вақт оқимининг фазовий жисмлар ҳаракати билан боғлиқ ҳолда ўлчаниб (сабухи субҳ) номланган сўзлар орқали вақт тушунчаси ифодаланиши билан турли қайтариқлардан ҳоли бўлишга, шеър мазмунига қўшимча маълумотлар киритилиши ва мазмуннинг янада бойитилишига, мукаммал образлилик яратилишига эришилган.

АДАБИЁТЛАР (REFERENCES)

1. Философский энциклопедический словарь. –М.: “Советская энциклопедия”, 1983.
2. Ўзбек тилининг изоҳли луғати. I том. –М.: “Рус тили”, 1981.
3. Ўзбек тилининг изоҳли луғати. II-том. –М.: “Рус тили”, 1981.
4. Faфур Fулом. Асарлар. Ўн томлик. 5-том. –Тошкент: Faфур Fулом номидаги Адабиёт ва санъат нашриёти, 1973.
5. Faфур Fулом. Танланган асарлар. –Тошкент: Faфур Fулом номидаги нашриёт-манбаа ижодий уйи, 2018.
6. Шарафиддинов Хурсанд. [Мавзу белгилашда давр ижтимоий мазмунининг ўрни](#). THEORITICAL ASPECTS IN THE FORMATION OF PEDAGOGICAL SCIENCES 9 (9), 105-107. 2023.

7. Шарафиддинов Хурсанд. [Уруш даври она ва бола фожиасининг бадий тасвири](#). Analytical Journal of Education and Development 3 (3), 10-109, 2023.
8. Sharafutdinova N. Undalma teonimlar tavsif sifatida. Analytical Journal of Education and Development 3 (3), 111-116, 2023.
9. Nilufar Sharafutdinova. THE WORDS GOD AND BLUE (KO,K) ARE THEONYMS, Vol-7-Issue Q2- 2022.
10. Sharafutdinova N. Mythology - ancient man's fiction. EPRA International Journal of Multidisciplinary Research (IJMR) - Peer Reviewed Journal Volume: 7 | Issue: 5 May 2021.
11. Sabirdinov, A. (2019). Sketches to the novel "Night and day" by Chulpan. Scientific journal of the Fergana State University, 1(6), 119-120.
12. Sabirdinov, A. G. (2021). Interpretation of Characters in Utkir Hoshimov's Story "Yanga". International Journal of Multicultural and Multireligious Understanding, 8(6), 196-200.
13. Sabirdinov, A. (2020, December). ASKAR KASIMOV IN THE UZBEK POETRY OF THE XX CENTURY THE ROLE AND IMPORTANCE OF CREATION. In Конференции.
14. Sabirdinov, A. G. (2021). Interpretation of the banned period in the stories of Naim Karimov. Asian Journal of Multidimensional Research, 10(11), 4-91.
15. Сабирдинов, А. Г. (1993). Слово и образ в поэзии Айбека.
16. Oripova, G. (2019). UZBEK POETRY AND THE WORLD LITERATURE IN THE YEARS OF INDEPENDENCE. Scientific Journal of Polonia University, 32(1), 116-120.
17. Oripova Gulnoza Murodilovna. (2019). THE PECULIARITIES OF VAZN METER IN UZBEK POETRY OF THE INDEPENDENCE PERIOD. International Journal of Anglisticum. Literature, Linguistics and Interdisciplinary Studies. Volume: 8 /Issue:2/. – Macedonia, 2019. –P.33-39.
18. Murodilovna, O. G. (2020). Melody and musicality in Lirycs. ACADEMICIA: An International Multidisciplinary Research Journal, 10(11), 656-664.
19. Oripova G. M., Tolibova M. T. Q. Composition Of Modern Uzbek Stories //The American Journal of Social Science and Education Innovations. – 2021. – Т. 3. – №. 03. – С. 245-249.
20. Oripova, G. (2020, December). RHYTHM AND MYTHING IN LYRICAL GENRE. In Конференции.
21. Oripova, G. (2019) "Traditions of folk ballads and distinctiveness of uzbek poetry of independence period," Scientific journal of the Fergana State University: Vol. 2 , Article 12.

22. Oripova, G. M. (2021). Genesis And Essence Of Genre Concept. *The American Journal of Social Science and Education Innovations*, 3(12), 90-94.
23. Oripova, Gulnoza, & Ibrohimova, Gulchiroy (2022). SIROJIDDIN SAYYID IJODIDA MUMTOZ MUSHTARAKLIKHLAR. *International scientific journal of Biruni*, 1 (2), 251-255.
24. Oripova, Gulnoza Murodilovna, Akhmadjonova, Okila Abdumalikovna, Kholmatov, Oybek Umarjon Ugli, & Muminova, Tabassum Siddigovna (2022). INTERPRETATION OF MOTHER IMAGE IN LITERATURE. *International scientific journal of Biruni*, 1 (2), 304-309.
25. Oripova, Gulnoza, & Alijanova, Maftuna Azimjon Qizi (2022). ASQAD MUXTORNING “CHINOR” ROMANIDA AYOL PORTRETING BADIY-PSIXOLOGIK ASOSLARI. *International scientific journal of Biruni*, 1 (2), 221-226.
26. Oripova, Gulnoza Murodilovna, & Abdurasulova, Nafisa Abdumannob Qizi (2022). O’ZBEK NASRIDA URUSH MAVZUSI VA “YO’QOTILGAN AVLOD” MUAMMOSI. *International scientific journal of Biruni*, 1 (2), 213-220.